



# U ÇLIRUA SIRIA

9 DHJETOR, 2024  
AGIMI I VËRTETË



*Me emrin e Allahut, Mëshiruesit, Mëshirëbërësit.*

*Allahun e falënderojmë, prej Tij falje dhe ndihmë kërkojmë, atë që Allahu e udhëzon askush nuk mund ta humbë dhe atë që Allahu e humbë askush nuk mund ta udhëzoj. Paqja dhe shpëtimi i Allahut qofshin mbi të Dërguarin e Allahut, familjen dhe shokët e tij!*

Përderisa jemi në këto ditë dhe momente historike, dhe përderisa muslimanët gjithandej i gëzohen kësaj fitore, dhe ne po pranojmë urime nga të gjitha anët, deshëm ti drejtohem popullit tonë, vendit tonë, hoxhallarëve dhe familjeve tona!

### **Të dashur hoxhallarë:**

E filluam me ju pasi ju jeni kurora mbi kokat tona dhe jeni mësuesit tanë. Ne jemi nga mesi juaj dhe jemi produkt i juaji. Dashuria dhe respekti ynë për ju është i veçantë. Kemi nderin dhe kenaqësinë të ju njoftojmë se, ne, bijt tuaj, nxënësit tuaj dhe xhematlijt tuaj, **E ÇLIRUAM SIRINË**. Ju drejtohem në veçanti dhe në përgjithësi, juve që na përkrahët dhe që nuk na përkrahët, juve që e ngritët zërin për ose kundër nesh, direkt apo indirekt, u lutët apo nuk u lutët për ne, juve që ndoshta një ditë krenoheshit e ditën tjetër ngurronit të mbaheshit me ne, juve që jeni brenda dhe jashtë burgjeve, që o përndoqët dhe dënuat shkaku se iu bashkuat kësaj kauze fisnike për ta rrënuar një regjim diktatorial, pak nga krimet e së cilit vetëm se jeni duke i parë këto ditë. **E ÇLIRUAM SIRINË**.

E çliruam shtetin dhe qytetin ku mësuar ju, ku i vijuat mësimet tek dijetarët tanë shqiptar, si Shejh Albani, Shejh AbdulKadër Arnauti e Shejh Shuajb Arnauti. Jemi në lagjet, merkezet dhe universitetet ku ju u shkolluat një ditë, ku u bëtë hafuza, hoxhallarë dhe kërkues të dijes. E kuptojmë se keni mallëngjim për tokën e bekuar ku i ndoqët mësimet për vite të tëra, dhe ju jeni ata që më së miri e njihni shtypjen e madhe që ua ka bërë ky regjim këtij populli dhe dijetarëve tanë shqiptar, dhe jeni në dijeni se Shejh Albani ishte i burgosur në Palmira, vend që tani është i çliruar, dhe jeni në dijeni se sa u ndoqën dijetarët dhe hoxhallarët ku ju i vijuat mësimet. Ju përgëzojmë me çlirimin e kësaj toke, dhe se ajo shumë shpejtë do rindërtohet me lejen e Allahut dhe do jetë vend i hapur për të gjithë, ku ju do mund ta vizitoni dhe ne të ju mirëpresim dhe ti kujtoni ditët tuaja të studimeve.

Ju njoftojmë se ne vazhdojmë të qëndrojmë në këtë rrugë, konform mësimëve tuaja, larg ndonjë ekstremi dhe devijimi, në rrugën e pastër të mesatares dhe të dijes dhe nderimit të dijetarëve dhe hoxhallarëve tanë. Pavarësisht se na etiketuan neve dhe juve që e përkrahët këtë kauzë, ju përgëzojmë që ta shijoni pastërtinë dhe synimin e qartë të kësaj kauze që sot e tërë bota po e përjeton dhe po përballet me realitetin e vërtetësisë dhe pastërtisë së saj. Nuk jemi më meritore dhe në pozitë më të lartë se ju në këtë ditë, dhe vazhdojmë të qëndrojmë nxënësit tuaj që një ditë u ulën në gjunjë për të marrë dije tek ju. Gjuhët dhe duart tona janë larg cënimit të nderit tuaj, dhe ato përdoren vetëm për lavdërim dhe lutje ndaj jush.

## **Populli ynë i dashur:**

Këto trembëdhjetë vite të përpjekjeve tona dhe qëllimit tonë fisnik, ju u vërshuat dhe bombarduat me propaganda të shumta kundër nesh, duke ju dërguar deri në atë masë sa disa nga ju kërkonit heqjen e shtetësisë sonë. E kuptojmë këtë fushatë të egër me të cilën u përballëm edhe ne. Me krenari të plotë ju njoftojmë se, ne, bijt tuaj më të mirë, **E ÇLIRUAM SIRINË.**

E çliruam këtë vend nga një regjim vrastar dhe gjakatar, më i rëndë dhe më i egër se ai i Millosheviqit dhe kriminelëve tjerë serb që e vranë dhe masakruan popullin tonë të dashur. Ne jemi nga mesi juaj, burojmë nga tradita dhe familja juaj, dhe e kultivojmë krenarinë dhe trimërinë e baballarëve dhe gjyshërve tanë. Rrjedhim nga familje që sakrifikan dhe derdhën gjak për lirinë e trojeve tona, dhe e njohim mirë plagën e luftës dhe burgosjen e familjarëve. Teksa ju krenoheni me ata që një ditë luftuan në Spanjë, dhe ngurronit dhe na etiketonit neve që luftuam dhe u përpoqëm për ta rrëzuar Asadin në Siri, ju njoftojmë dhe ju inkurajojmë që këto ditë të informoheni dhe njiheni më shumë me krimet e Asadit, që po zbulohen krimet e tyre brenda dhe jashtë burgjeve.

Dërgoni gazetarët tuaj, të cilët do jenë të mbrojtur dhe të lirë, dhe do kenë qasje për të hyrë brenda këtyre burgjeve dhe për ti parë krimet e vërteta, dhe do njiheni nga afër me kauzën tonë fisnike dhe me fitoren e madhe. Do e kuptoni se pse bijt tuaj arritën në këtë tokë për ta ndihmuar këtë popull të shtypur. Dhe nëse jo tani, dini se shumë shpejt po vie koha kur historia do na shënojë si çlirimtar dhe heronj, pasi edhe vetë populli brenda në Siri na quan dhe na njeh si të tillë.

Ne ju njoftojmë se kemi qenë durimtar përballë gjithë kësaj propagande dhe kemi qenë durimtar ndaj etiketimeve tuaja, dhe jemi munduar ta kuptojmë gjendjen tuaj pasi ka qenë propagandë e egër, e tëra e bazuar në raste të izoluar. Ua qartësojmë edhe njëherë se, jemi larg nga çdo lloj ekstremizmi, bandë kriminale dhe terrorizuese, dhe nuk e çënojmë sigurinë dhe rendin e vendit dhe popullit tonë duke ardhur për ta rikthyer dhe vendosur sigurinë në një vend tjetër. Në asnjë rast dhe në asnjë formë kauza jonë nuk ishte dhe nuk është kundër rendit dhe sigurisë së vendit dhe popullit tonë, dhe në asnjë rast dhe në asnjë formë bijt tuaj krenar nuk vepruan diçka që do e cëntonte sigurinë tuaj.

Kauza jonë është e pastër, dhe buron thellë nga dëshira dhe tradita e popullit tonë liridashës, që historikisht ka dëshmuar sakrificën dhe përkushtimin për liri dhe vlera të larta fetare dhe njerëzore. Ne sakrifikuam në këtë rrugëtim, u plagosëm dhe humbëm gjymtyrët tanë, humbëm shokët tanë dhe disa nga ta u burgosën dhe torturuan, dhe përsëri u futëm të përlurur dhe me butësi në Damask. Asgjë dhe askush nuk do e dëmtojë kauzën tonë, dhe asgjë dhe askush nuk do na dëmtoj dhe pengoj në këtë rrugëtim fisnik dhe madhështor.

## **Dhe për fund, u drejtohem familjeve tona:**

Nënë, baba, gjysh, gjyshe, grua, fëmijë, motër dhe vëlla, të afërm tanë, jemi krenar më shumë se kurrë, dhe të përlotur dhe me gëzim të madh, e përjetojmë këtë moment historik dhe ua përcjellim lajmin e madh se, **E ÇLIRUAM SIRINË.** Dëshmojmë para Allahut se nuk ka kënaqësi më të madhe për ne se sa kumtimi i këtij lajmi për ju, dhe ju njoftojmë se gjatë këtij kumtimi këto shkronja përmbajnë në vete lotët dhe sakrificën tonë, përkushtimin dhe vitet e tëra me mund,

humbje të gjymtyrëve dhe të shokëve tanë më të mirë, dhe durim me mungesën tuaj dhe të ngrohtësisë suaj.

Me krenari dhe me kokën lartë ju njoftojmë se, ne, bijt tuaj më të mirë, që burojmë nga mesi juaj dhe nga shtëpitë dhe kullat tuaja krenare, e përmbushëm misionin për të cilin një ditë dolëm nga shtëpitë tona, dolëm nga ngrohtësia e familjeve tona, dhe iu lam pas duke dhënë sakrificë të madhe për ta arritur këtë ditë, dhe Allahu na e mundësoi këtë. E kuptojmë se festa jonë dhe festa juaj është e zbehtë pasi jemi në largësi, dhe e kuptojmë brengën dhe frikën që kishit në këto ditë të betejave intensive rreth fatit të bijve tuaj. Ju falënderojmë që duruat dhe qëndruat deri këtu, dhe ju kërkujmë falje për të gjitha ato që u përballët duke u nisur nga mungesa jonë, nga propaganda drejt jush dhe nga ndalesat dhe përndjekjet e ndryshme të individëve dhe institucioneve të caktuara. **Mirëpo, dijeni se ne sot ju bëjmë krenar më shumë se kurrë.**

Dijeni se e tërë Siria sot është falënderuese ndaj jush. Dijeni se mijëra nëna sikurse ju, sot u liruan nga burgjet e rënda të regjimit të Asadit, me fëmijë të lindur pas përdhunimeve të rënda brenda atyre burgjeve. Dijeni se mijëra të burgosur që për vite dhe dekada të tëra përjetuan tmerret e papërshkruara, janë mirënjohës për sakrificën e bijve tuaj dhe janë mirënjohës ndaj jush që i dhuruat bijt tuaj më të mirë. Refugjatët po rikthehen nëpër shtëpitë e tyre, siguria po vendoset dhe një shtet i ri po ndërtohet. Jini krenar dhe mbajeni kokën lartë këto ditë.

Kurse për familjet e shokëve tanë që ranë në këtë rrugë dhe shkuan tek Allahu, për ata që u burgosën, përdoqën dhe torturuan: o ju të dashurit tanë, ju jeni familja jonë, jeni krenaria jonë dhe jeni në mendjet dhe zemrat tona, dhe ne jemi bijt tuaj dhe në shërbimin tuaj. Ua kujtojmë sakrificën e madhe të bijve tuaj në këtë rrugë, të trimërive dhe betejave të tyre kundër kriminelëve më të mëdhenj të kësaj kohe, që po vrisnin dhe masakronin gra dhe fëmijë. Mbajeni kokën lartë dhe duroni në këto ditë gëzimi për muslimanët, dhe ja tek është liria për të cilën sakrifikuat bijt tuaj. Duroni dhe kujtojeni shpërblimin e Allahut për dëshmorët dhe shpërblimin dhe nderin që Allahu do ua bëjë familjeve dhe të afërmeve të tyre. Ashtu siç ju mungojnë juve, ata na mungojnë edhe neve, dhe gëzimi i lirisë ishte i zbehtë për ne shkak i mungesës së tyre, mirëpo, ne jemi krenarë që ishim shokët dhe shoqëruesit e tyre në këtë rrugë. Andaj, krenohuni dhe gëzohuni kësaj dite, e sa gëzim i madh do jetë ai kur do ta takoni Allahun Fuqplotë dhe do e mësoni shpërblimin e Tij për dëshmorët.

### **Jemi krenar që qëndruam në anën e duhur të historisë.**

Jemi falënderues ndaj atyre që na përkrahën nga familjet tona, rrethi dhe shoqëria jonë, populli ynë dhe mediat tona, dhe e ndajmë gëzimin më të gjithë ju.

E falënderojmë Allahun Fuqplotë që na e mundësoi këtë ditë dhe këtë mirësi të madhe, dhe e lusim Atë që të na bëjë të qëndrueshëm dhe durimtar në këtë rrugëtim të gjatë, ti shpërblejë familjet tona për durimin e tyre dhe ti forcojë për mungesën tonë. Allahu na mundësoftë që të jemi shërbëtor të fesë, familjeve dhe shoqërive tona. Allahu na bëftë krenar me këtë fe dhe na mundësoftë përmbushjen e këtij misioni, duke rënë dëshmor në rrugën e Tij.